



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 38. Reginae Matris profectio ad Alenonium Ducem.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI.  
A.C. 1575

cem, atque ad constantem veræ religionis defensionem hortabatur, eidem exponens, quod hæc agendi ratio seditionem, ac præceps præfagiret consilium, cujus perversitas postea facile in hæresin degenerare posset. Demum Rex hujus Principis fuga non minus territus die decima sexta Septembris convocato Senatu suo deliberari voluit de mediis, quæ ad evertenda Ducis molimina, illumque rebellium manibus eripiendum adhibenda essent, ubi hac in re Reginæ Matris, Regis, & potissimum Senatorum opinio eo abibat, ut omnis generis media pro obtinenda pace tententur, & nequidem discutiantur, an concordiæ pacta proficua, vel noxia sint: præprimis vero statuiebatur, rei initium esse dandum a liberatione amborum Marescallorum Montmorentii, & Cossæi, qui arcta custodia capti detinebantur: id quoque effectui datum: Regina vero eorum libertatem urgens præcipue intendebat, ut ad unionem inter Regem, & Alenfonium Ducem restaurandam illorum opera uteretur.

§. XXXVIII.

*Reginæ Matris profectio ad Alenfonium Ducem.*

Ita.



Itaque ipsamet Regina Mater hanc ob <sup>Sæcul. XVI.</sup>  
 rem Pictavium ad Alenonium profi- <sup>A.C. 1575.</sup>  
 ciscitur, eamque comitabantur ambo  
 Marefcalli, qui ob singularem, qua a <sup>Tuan. &</sup>  
 pud Ducem pollebant, gratiam, & au- <sup>Aviat. c.</sup>  
 thoritatem ad illum placandum satis ido-  
 nei erant: ergo Regina Campignium  
 Montpenserii Ducis villam in Turoniæ  
 finibus sitam pervenit, quam Alenso-  
 nius Dux ineunte Mense Octobri ibidem  
 invisit, ubi colloquia per integrum hunc,  
 & mediam sequentis Mensis partem per-  
 durabant, dum Marefcallus Montmo-  
 rentius pacis conciliatorem agebat, to-  
 tumque suæ gloriæ momentum in eo  
 reponebat, ut immotum suum pro  
 Rege, & patria studium luculento testi-  
 monio comprobatum redderet: præmis-  
 sis autem crebris altercationibus ultro,  
 citroque habitis, cum de pacis condi-  
 tionibus utrinque consensus haberi non  
 posset, non nisi semestres sanciebantur  
 induciæ, quæ a vigesima secunda No-  
 vembris usque ad vigesimam quintam  
 Junii diem anni sequentis protraheren-  
 tur: earum vero conditiones præcipuæ  
 erat hæc I. utrinque ab armis, incur-  
 sionibus, & omni injuria per univer-  
 sum regnum abstinere. II. Rex cen-  
 tum sexaginta aureorum millia Germa-  
 norum copiis a Condæo Principe con-  
 ductis numerari jubeat, dummodo nec  
 ipsæ



Sæcul. XVI.  
A.C. 1575.  
ipsæ Rhenum transeant, nec in regnum descendant. III. Interim securitatis causa Protestantibus, & Catholicis fœderatis hæc urbes Engolisma, Niortium, Salmuria, Avaricum Biturigum, Charitæum ad Ligerim, & Mezeria ad Mosam tradantur, atque in Condæi manus consignentur. IV. Fidem Alenfonius, ac fœderati faciant, quod tunc quamprimum induciæ expiraverint, si-ve pax, si-ve bellum sequatur, urbes illas restituant, ad quarum custodiam Rex undecies mille præfidiarios ab Alenfonio Duce deligendos, centum item nobiles, centum cataphractos ejusdem Ducis equites, & quinquaginta Helvetios, & centum sclopetarios ad illius corporis custodiam suis sumptibus alat. V. Rex vicissim copias omnes externas præter Helvetios, & Scotos custodiæ corporis inservientes dimittat, & tunc, cum utrinque arma simul, & urbes promissæ traditæ fuerint, deponantur. VI. Quia inchoatum Lutetiæ nuper de pace negotium intermissum fuerat, postremo conventum, ut Principes, Proceres, Provinciæ, & urbes fœderatæ Januario proximo delegatos suos cum plenis mandatis eo decernant.

Hiscæ pactis Regina Mater, & Alenfonius Dux subscripserant, cum autem circa quorundam articulorum executionem



Sæcul XVI.  
A. C. 1575.

nem nonnullæ orirentur difficultates, hinc induciarum promulgatio longius differebatur; acriter enim, ac præcipue disceptabatur circa sex illas urbes, quas Duci reddere promissum fuerat, quippe Philippus Volvirius Ruffecus Engolismensis Provinciæ Præses, & Franciscus Montinius, qui Avaricum Bituricum tenebat, urbes suas Alenfonio Duci restituere recusabant: Mezeria quoque civitas Principi Condæo non fuit consignata, elusis, quæ Regina iterabat, illius mandatis, vi quorum harum urbium Gubernatores hæc loca reddere jubebantur: eapropter Regina ad Ducem Filium suum reverti coacta eundem rogabat, ut oppido Joannis Angeriaci in Santonibus, & Cognaco in Engolismensi agro contentus esset, cum nec Bituricum, nec Engolimum obtinere posset: itaque Lanogus oppidum Sancti Joannis, Bussius vero Ambrosius Salmuriam, & Charitæum Alenfonii nomine possessum ibat: Ludensis autem Comes Regis jussu Sangelasio Niortium tradebat: ceterum cum Condæus Princeps absens esset, de Mezeria urbe nulla omnino mentio facta est. His ita dispositis Alenfonius Dux instante Regina Matre sua inducias in castris suis die vigesima secunda Decembris promulgari jussit, interim tamen

T 3

omnia



Sæcul. XVI. omnia ad bellum comparabat: porro  
A.C. 1575. Regina, priusquam ad aulam rediret,  
 fatis provide in Alenfonii comitatu  
 Monpenserium Ducem, & Montmorant-  
 tium Marefcallum reliquerat, ut ambo  
 propensum ad pacem animum, quem  
 Dux præferre videbatur, ulterius fo-  
 verent.

Rex vicissim induciarum tempore  
 copiosos militum delectus haberi præ-  
 cepit, ac sub idem tempus sex Helve-  
 tiorum millia conduxit, simulque Mans-  
 feldium Comitem, Casparum Schom-  
 bergium, & Christophorum Bassompe-  
 tram in Germaniam ablegavit, ut illi  
 ad Regis vexilla octo millia Germano-  
 rum equitum adducerent; attamen illi  
 Proceres a Germanis nil obtinere pote-  
 rant, nisi ea conditione, ut ipsis centum  
 aureorum millia statim in numerata  
 pecunia, & quadringenta quinquaginta  
 millia tunc mox penderentur, quam-  
 primum hæ copix ad regni fines per-  
 venissent.

## §. XXXIX.

*Parisienses petitam pecuniarum sum-  
 mam Regi denegantes.*

*Thuan. l. c.* Ut Rex hanc pecuniarum summam  
 acquireret, in urbis Prætorio gene-  
 ralem Ordinum conventum habuit, du-  
 centa librarum millia mutuo sibi dari  
 postulo